



## UPRAVA

Broj: 03-03-01- 127 /20

Sarajevo, 06.02.2020. godine

Na osnovu člana 69. stav 2., tačka d. i člana 70. stav 1.,4. i 6. Zakona o javnim nabavkama („Službeni glasnik BiH“ broj 39/14), člana 8. Pravilnika o uspostavljanju i radu komisije za nabavke („Službeni glasnik BiH“ broj 103/14), Pravilnika o postupku nabavke broj PR/SN/01 od 24.02.2015. godine i Odluke Nadzornog odbora broj: 01-05-02/20 od 27.01.2020. godine na Preporuku Komisije za javnu nabavku broj: 01/2020/5 od 05.01.2020. godine, direktor donosi:

## O D L U K U

- o poništenju postupka javne nabavke -

### JN 01/2020 – IZRADA STUDIJE ZA UNAPRJEĐENJE TEHNOLOGIJA U DALJINSKOM UPRAVLJANJU GRIJANJEM

#### Član 1.

Poništava se postupak javne nabavke JN 01/2020 – Izrada studije za unaprjeđenje tehnologija u daljinskom upravljanju grijanjem u skladu sa članom 69. tačka 2) stav d). Zakona o javnim nabavkama.

#### Član 2.

Ova odluka će biti objavljena na web-stranici [www.toplanesarajevo.ba](http://www.toplanesarajevo.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

#### Član 3.

Za izvršenje ove odluke zadužuje se i ovlašćuje Služba nabavke.

#### Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

## Obrazloženje

Postupak javne nabavke pokrenut je Posebnom odlukom o pokretanju postupka vanplanske nabavke broj: 03-03-01-20/20 od 08.01.2020. godine.

Javna nabavka je provedena putem **otvorenog postupka**.

Obavještenje o nabavci broj: 160-1-1-2-3-3-1/20 poslato je na objavu dana 10.01.2020. godine, a objavljeno je na Portalu javnih nabavki BiH dana 10.01.2020. godine u 09:10 sati.

Komisija za javnu nabavku imenovana je Odlukom broj: 03-03-01-21/20 od 08.01.2020. godine.

Nakon isteka roka za preuzimanje, tendersku dokumentaciju je preuzelo 16 (šesnaest) ponuđača (u prilogu Izvještaj o preuzimanju tenderske dokumentacije od strane ponuđača sa Portala javnih nabavki BiH [www.ejn.gov.ba](http://www.ejn.gov.ba)).

Nakon isteka roka za podnošenje ponuda evidentirano je da je putem protokola u zatvorenoj kovrti pristigla sljedeća ponuda:

1. „IGT“ d.o.o. Sarajevo, broj protokola 862/20 datum 31.01.2020. godine u 12:17 sati.



Komisija za javnu nabavku dostavila je dana 05.02.2020. godine preporuku o poništenju postupka javne nabavke broj: 01/2020/5 od 05.02.2020. godine zajedno sa izvještajem o radu broj: 01/2020/4 od 05.02.2020. godine, zapisnikom o pregledu ponuda broj: 01/2020/3 od 05.02.2020. godine, u postupku javne nabavke – Izrada studije za unaprjeđenje tehnologija u daljinskom upravljanju grijanjem – JN 01/2020.

U postupku, prema izvještaju o radu, utvrđeno je da je Komisija za javnu nabavku blagovremeno i pravilno izvršila otvaranje, pregled i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna).
- da je blagovremeno zaprimljena 1 (jedna) ponuda.
- da nema neblagovremeno zaprimljenih ponuda.
- da je ponuda ponuđača „ IGT “ d.o.o. Sarajevo ne prihvatljiva iz sljedećih razloga:

1. ponuđač u svojoj ponudi nije dostavio dokaze kako je traženo tačkom 7.4.1. pod a) i 7.4.2. pod a). Ponuđač je dostavio vlastitu izjavu o izvršenoj usluzi i dvije potvrde izdate od strane naručioca usluga, a koje se odnose na usluge vezane za gasifikacione mreže a ne za predmet javne nabavke, odnosno iskustvo iz oblasti energetike, modeliranja, simulacije, analize i planiranja energetskih procesa te projektovanja sistema daljinskog grijanja ( min. 2 projekta).

2. u vlastitoj izjavi o izvršenoj usluzi, ponuđač je naveo da je uredno izvršio uslugu vještačenja izvedenih radova na projektu gasifikacije Srednjobosanskog kantona za naručioca „ Monter strojarske montaže “ d.d. Zagreb. Iako je ponuđačima tenderskom dokumentacijom dozvoljeno dostavljanje izjave o uredno izvršenim ugovorima, uz predočenje dokaza o učinjenim pokušajima da obezbijede potvrdu u slučaju da se potvrda o izvršenju usluga od strane naručioca usluga iz objektivnih razloga ne može obezbijediti, ponuđač u konkretnom slučaju, nije dokazao objektivne razloge za ispunjenje ovog uslova jer je dostavio kopiju e-mail-a i kopiju dopisa koje je uputio advokatskoj kancelariji smještenoj u BiH, kao pravnom zatupniku naručioca usluga a da pri tome u svojoj ponudi nije naveo razloge ne upućivanja zahtjeva direktno naručiocu usluga. Iz prethodno navedenog, Komisija nije mogla ustanoviti vezu između advokatske kancelarije i naručioca usluga niti razmatrati dostavljenu dokumentaciju.

U postupku, prema izvještaju o radu, utvrđeno je da je Komisija za javnu nabavku konstatovala da zaprimljena ponuda nije prihvatljiva, te shodno članom 69. tačka 2). stav d) Zakona o javnim nabavkama, ugovorni organ poništava otvoreni postupak – JN 01/2020 – Izrada studije za unaprjeđenje tehnologija u daljinskom upravljanju grijanjem.

Prema Zakonu o javnim nabavkama i Pravilniku o postupku nabavke broj: PR/SN/01 od 24.02.2015. godine, odlučeno je kao u članu 1. ove odluke.

#### **POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Direktor

Berim Alagic



**Dostaviti:**

1. Ponuđaču: „ IGT “ d.o.o. Sarajevo
2. Službi nabavke a/a
3. web stranica preduzeća

